

इवनिंग डोगरी न्यूज़ बुलेटिन

समे-18:15 Hrs

खास-खास खबरें

Headlines

- 1 प्रधानमंत्री नरेंद्र मोदी होर संझा गयाना दी संसद गी संबोधित करडन।
- 2 रक्षा मंत्री राजनाथ सिंह होरें आखेआ ऐ जे जटिल अंतरराष्ट्रीय मुद्दें गी हल करने आस्तै भारत नै म्हेशां गल्लबात गी तरजीह देने दी वकालत कीती ऐ।
- 3 जम्मू-कश्मीर दे मुखमंत्री उमर अब्दुल्ला होरें अज्ज पुंछ जिले दा दौरा लाया ते वरिष्ठ अफसरें कन्नै जिले च विकास कम्में लेई उच्च स्तरीय बैठक कीती।
- 4 राष्ट्रीय जांच एजेंसी एनआईए आसेआ बन्ने पारा थमां होने आहली घुसपैठ दे सिलसिले च जम्मू खिते दी 8 थाहें पर छापेमारी कीती जारदी ऐ।

<><><><><><>

PM-Goyana

प्रधानमंत्री नरेंद्र मोदी होर संझा गयाना दी संसद गी संबोधित करडन। प्रधानमंत्री भारतवंशी समुदाय दी सभा गी बी संबोधित करडन। प्रधानमंत्री होर त्रै दिन दे गयाना दौरें पर न। कल रातीं प्रधानमंत्री होरें दुए भारत-कैरिक्कॉम शिखर सम्मेलन च हिस्सा लैता। उनें गयाना, डोमिनिका, सूरीनाम, त्रिनिदाद ते टोबेगो, बहामास, बार बुडास ते ग्रेनाडा ते सेंट विन्सेंट दे नेताएं कन्नै दपक्खी बैठकां बी करंगन। प्रधानमंत्रीते गयाना दे राष्ट्रपति हुंदे बश्कार सेहत, हाईड्रोकार्बन ते राईबाई सने नेकां क्षेत्रें च सहयोग बदाने पर होई दी चर्चा मगरा भारत ते गयाना नै 10 समझौतें पर दस्तखत कीते। चिकित्सा उत्पादें, जन औषधिक योजना, सांस्कृतिक आदान-प्रदान कार्यक्रम,

गयाना च यू.पी.आई जनेई योजना लागू करने ते प्रसार भारती ते गयाना दे राष्ट्रीय संचार नेटवर्क बशकार प्रसारण क्षेत्र च सहयोग बारै च सहमति पत्रें पर दस्तखत होए।

<><><><><><>

Rajnath-LAOS

रक्षा मंत्री राजनाथ सिंह होरें आखेआ ऐ जे जटिल अंतरराष्ट्रीय मुद्दें गी हल करने आस्तें भारत नै म्हेशां गल्लबात गी तरजीह देने दी वकालत कीती ऐ। लाओस दे विए तियाने च आसियान रक्षा मंत्रिणं ते उंदे संवाद सांझेदारें दी 11मीं बैठक गी संबोधित करदे होई रक्षामंत्री होरें आखेआ जे सीमा विवाद थ्वां लेइए बपार समझौते तगर सब्बनें चाल्ली दी अंतरराष्ट्रीय चुनौतिणं गी भारत नै कूटनीतिक गल्लबात ते शांतिपूर्ण गल्लबात राणं सुलझाया ऐ। उनें आखेआ जे भारत दा साफतौर पर मनना ऐ जे वैश्विक समस्याएं दे दूरगामी हल मुखें बशकार इक दुए दे नजरिए दा सम्मान करदे होई सार्थक गल्लबात राणं हासिल कीता जाई सकदा ऐ। उनें गलाया जे लाओस च एह बैठक ऐसे समें पर होआरदी ऐ जिसले दुनिया दे बक्ख-बक्ख हिस्सें च संघर्ष चला रदा ऐ ते अंतरराष्ट्रीय बवस्था लेई चुनौतियां न। उनें आखेआ जे लाओस बौद्ध दे सिद्धांतें गी लम्में चिरें थ्वां आत्मसात करी चुके दा ऐ। आचार संहिता पर जारी चर्चा दा जिक्र करदे होई रक्षा मंत्री होरें आखेआ जे आचार संहिता मुखें दे वैद्यनिक अधिकारें ते हितें दे प्रति पक्खपाती नेई होनी लोइचदी। उनें आखेआ जे आचार संहिता अंतरराष्ट्रीय कनून ते खास करी संयुक्त राष्ट्रीय समुंद्री कनून समझौते मूजब होनी लोइचदी। रक्षा मंत्री होरें आखेआ जे 21मीं सदी एशिया दी सदी ऐ। उनें आउखेआ जे आसियान क्षेत्र खास करी आर्थिक तौर पर सशक्त रेआ ऐ जित्थे बपार कारोबार ते सांस्कृतिक गतिविधिणं दी गहमा-गहमी रेई ऐ। सिंह होरें आखेआ जे भारत अपनी बदलाव आहली यात्रा च इस क्षेत्र दा इक भरोसेमंद दोस्त रेआ ऐ। रक्षा मंत्री होरें जोर देइए आखेआ जे

अज्ज मंजूर कीते जाने आहला सांझा बयान ते आसियान कन्नै भारत दी व्यापक सामरिक सांझेदारी भविक्ख च भारत-आसियान सांझेदारी दी नीह रक्खोग।

<><><><><><>

Prez. Harekrishna

राश्ट्रपति द्रौपदी मुर्मू होंरे उत्कल केसरी डॉ. हरे कृष्ण महताब होंरे गी श्रद्धांजलि भेंट कीती। डॉ. हरे कृष्णन महताब हुंदी 125मीं जयंती दे उद्घाटन समारोह च राश्ट्रपति होंरे डॉ. महताब हुंदे सम्मान च खास यादगारी टिकट ते सिक्का जारी करने पर खुशी जाहिर कीती। राश्ट्रपति होंरे आखेआ जे ओह म्हेशां डॉ. हरेकृष्णा महताब हुंदे लेखन ते भाशणें थ्वां प्रेरित रेइयां न। डॉ. हरे कृष्ण महताब हुंदा जरम 21 नवंबर 1899 गी ओडिशा दे अगरपाडा च होआ। उनेंगी स्वतंत्रता सेनानी, राजनीतिज्ञ, इतिहासकार, लेखक, समाज सुधारक ते पत्रकार दे तौर पर जानेआ जंदा ऐ।

<><><><><><>

Murthy-CAG

राश्ट्रपति द्रौपदी मुर्मू होंरे अज्ज साबका उच्च शिक्षा सचिव के. संजय मूर्ती होंरे गी भारत दे नियंत्रक ते महालेखा परीक्षक दे तौरा पर शपथ दोआई। आकाशवाणी जम्मू दे संवाददाता दी रिपोर्ट मूजब मूर्ति होर हिमाचल प्रदेश कैडर दे 1989 बैच दे भारतीय प्रशासनिक सेवा दे अफसर न। मूर्ति होंरे गी सोमवारें केंद्र आसेआ नमां सी.ए.जी नियुक्त कीता गेआ ऐ। गिरीश चंद्र मुर्मू होंरे बुधवार सी.ए.जी दे तौरा उप्पर अपना कार्यकाल पूरा कीता ऐ। शपथ ग्रहण समारोह च उप-राश्ट्रपति जगदीप धनखड़, शिक्षा मंत्री धर्मेन्द्र प्रधान ते वाणिज्य ते उद्योग मंत्री पीयूष गोयल सने होर बी गणमान्य लोग मौजूद हे।

<><><><><><>

Reasi-Panchayat

रियासी दे जिला चुनां अधिकारी विशेष पाल महाजन होरें डी.सी दफ्तर परिसर थवां 2 गड्डिं गी झंडी दझिण्ण रवाना कीता। एह गड्डिआं आम लोकें च पंचैती चुनां सूचिं दी कीती जा'रदी नजरसानी बारें जागरूकता पैदा करोग। एह गड्डियां 12 ब्लॉकें च जाडन। इस बारें स्हाड़े जिला संवाददाता देवेन्द्र ठाकुर कन्नै गल्ल करदे होई रियासी दे उप जिला चुनां अधिकारी राकेश कुमार होरें आखेआ।

<><><><><><>

JK-Pre Budget Meet

जम्मू-कश्मीर सरकार दियां बक्ख-बक्ख मैहकमे कन्नै बजट कोला पैहले आलिं बैठकें दा सिलसिला 27 नवम्बर थमां शुरू होग जिंदे च 2025-26 आले ब'रे लेई बजट प्रस्ताह ते 2024-25 दे नमें सिरेया कयाफें गी मुकदा रूप दिता जाग। आकाषवाणी दे जम्मू संवाददाता नै जानकारी दिती ऐ जे इनें बैठकें दरान सरकार 36 प्रशासनिक विभागें कन्नै सलाह सूत्र करग ते एह सारी प्रक्रिया 20 दिसम्बर गी मुकम्मल होई जाग। जम्मू कश्मीर दे वित्त विभाग आस्सेआ जारी इतलाह मूजब सब्बने मैहकमें गी इनें बैठकें दे शुरू होने कोला पैहले-पैहले बजट घोशणाएं पर होई दी कारवाई बारे एक्षन टेकन रिपोर्ट जमा कराने लेई आक्खी दिता गेआ ऐ।

<><><><><><>

CM-Poonch

जम्मू-कश्मीर दे मुख् मंत्री उमर अब्दुल्ला होरें अज्ज पुंछ जिले दा दौरा लाया ते वरिष्ठ अफसरें कन्नै जिले च विकास कम्में लेई उच्च स्तरीय बैठक कीती। स्हाड़े जिला संवाददाता अनुभव मिसरी दी रिपोर्ट मूजब मुख्मंत्री होरें ग्रांस दे लोकें दे जीवन च सुधार करने लेई जारी परियोजनाएं गी तेज करने ते उंदी समें उप्पर पूरा करने गी यकीनी बनाने दे महत्व उप्पर जोर

दिता। अपने इस दौरै दौरान मुखमंत्री होरें बक्ख-बक्ख मकामी संगठनें, समुदाय दे नेताएं ते राजनीतिक नुमाइंदें दा प्रतिनिधित्व करने आहले 20 शा मते प्रतिनिधिमंडलें कन्नै गल्लबात कीती। प्रतिनिधिमंडल आसेआ शिड़कें दी मरम्मत पुंछ लेई मेडिकल कॉलेज, पुंछ नगर परिषद च स्वीपर पोस्टें दा निर्माण ते जिला अस्पताल आस्तै डॉक्टर दी मंग रक्खी गई। मुखमंत्री होरें प्रतिनिधिमंडल गी भरोसा दोआया जे उंदी मंगें गी प्राथमिकता कन्नै निब्बड़ेआ जाग।

<><><><><><>

JK-NIA

राश्ट्रीय जांच एजेंसी एनआईए आसेआ बन्ने पारा थ्वां होने आहली घुसपैठ दे सिलसिले च अज्ज जम्मू खितते दी 8 थाहरें पर छापेमारी कीती जा'रदी ऐ। इस अभियान च एनआईए गी जम्मू-कश्मीर पुलस ते सी.आर.पी.एफ आसेआ मदद कीती जा'रदी ऐ। एहदे थ्वां पैहले बुधवारें एनआईए नै कश्मीर च 2020 दे नशीले पदार्थे सरबन्धी नार्को आतंकवाद आहले मामले च आरोपी मुनीर अहमद गी गिरफ्तार कीता। आकाशवाणी जम्मू संवाददाता दी रिपोर्ट मूजब एनआईए रियासी, डोडा, उधमपुर, रामबन ते किश्तवाड़ जिले दी बक्ख-बक्ख थाहरें पर छापेमारी कीती जा रदी ऐ। बुधवारें एनआईए ने प्रतिबंध लग्गे दे पाकिस्तान आधारित आतंकवादी संगठनें दी साजश कन्ने आतंकवादिएं लेई पैसा किट्ठा करने ते नशीले पदार्थे दी बिक्री ते लैन-देन करने दे 2020 दे इक मामले च वांछत इक आरोपी मुनीर अहमद गी गिरफ्तार कीता हा जेड़ा पिछले 4 बरें दा फरार हा। लश्कर-ए-तैयबा ते हिज्बुल मुजाहिद्दीन जनेह् प्रतिबंधित आतंकवादी संगठनें दी शमूलियत आहली साजिश जून 2020 च सामने आई ही। एनआईए मुख्खै च नार्को टैरर नेटवर्क गी खत्म करने ते कश्मीर च आतंकी फंडिंग गी रोकने आस्तै अपनी जांच जारी रखदी ऐ। होर ब्यौरे गी बलगेआ जा रदा ऐ।

<><><><><><>

Javid-Cooperative

सहकारी, राईबाई उत्पादन, ग्रामीण विकास ते पंचैती राज दे मंत्री जावेद अहमद डार होरें कल आखेआ जे सहकारी संस्था ग्रामीण विकास दी नीह न। मंत्री होरें एह गल्ल जम्मू दे कन्वेंशन सेंटर च चलारदे 71में सहकारी हफते दे समारोह च आक्खी। एह आयोजन ग्रामीण विकास, गरीबी उन्मूलन ते आत्मनिर्भरता उप्पर सहकारी संस्थाएं दे परिवर्तनकारी असर गी उजागर करने लेई इक मंच दे तौरा उप्पर कम्म करदा ऐ।

<><><><><><><>

CS-KKG

मुख्य सचिव अटल डुल्लू होरें कल कृषि उत्पादन मैहकमें दी इक बैठक लाई ते जम्मू-कश्मीर च करसानें दी भलाई ते कृषि खेतर दी तरक्की लेई कीती जा'रदी बक्ख-बक्ख पैहलकदमियें उप्पर हासल प्रगति दी सराहना कीती। अटल डुल्लू होरें यू.टी दे बक्ख-बक्ख जिलें च किसान खिदमत घरें दी स्थापना बारै प्रगति दा जायजा करदे होई सरबंधत लोकें उप्पर जोर दिता जे इनें किसान खिदमत घरें राएं सेवाएं गी बधांदे रौहन। उनें आखेआ जे इस चाल्ली दे कदमें कन्नै केंद्रें दे कम्मकाज च दक्षता ते करसानें लेई उपयोगिता च बी तेजी औग। उनें मैहकमें गी इस बरे जनवरी तगर बाकी किसान खिदमत घरें गी स्थापित करने ते उंदे चा हर इक आसेआ बीएं ते खादें दी बिक्री सरबंधी लेन-देन दी निगरानी लेई इक डैशबोर्ड बनाने दा हुकम दिता ऐ। मुख्य सचिव होरें हर जिले दे सरबंधत डी.सी कोला किसान खिदमत घरें दे कम्मकाज बारै गल्लबात कीती।

<><><><><><><>

JK-PM-Surya Ghar

लोकें गी प्रधानमंत्री सूर्य घर मुफ्त बिजली योजना तैहत दिती जाने आले सब्सिडी दा लाह ठोआने लेई प्रेरत करने लेई जम्मू-कश्मीर बिजली विकास अजेंसी जकेडा लोकें तगर पुज्जियै उनेंगी एहदे फायदे बारे

जागरूक करा करदी ऐ। आकाशवाणी दे जम्मू संवाददाता नै जानकारी दिती ऐ जे जकेडा परती परतियै बरतोई सकने आली ऊर्जा दे इस्तेमाल गी बढ़ावा देआ करदी ऐ जिंदे च सोलर, पनबिजली, हवा, जियो-थर्मल, जैव ऊर्जा ते हायड्रोजन ऊर्जा दे स्रोत बी शामिल न, जेहदे नै मते शा मते लोकें गी ऊर्जा दी सखल्ली उपलब्धा जकीनी बनोग, आर्थिक विकास गी बढ़ावा थहोग ते कार्बन उत्सर्जन बी घट्ट होग। जम्मू बिजली बंड निगम नै घरेलू उपभोक्ताएं गी अपील कीती ऐ जे ओ अपने घरें पर इस योजना तैहत सौर ऊर्जा दे संयंत्र लोआन। जम्मू-कश्मीर सरकार एहदे लेई 1 किलोवाट पर 3 जहार, 2 किलोवाट पर 6 जहार ते 3 किलोवाट पर 9 जहार रपे दी बादधू रिआयत देआ करदी ऐ। JPDCL नै उपभोक्ताएं गी अपील कीती ऐ जे ओह अपने बिजली दे बिलें दी बकाया पेदी राशि गी जमा करोआन ते बिजली दे कनेक्शन कटोने थमां बचन। जिनें उपभोक्ताएं दे बिजली दे बिल लम्में समें थमां बकाया पेदे न। उनेंगी एमनेस्टी स्कीम दा लाह लेइए बिल जमा करोआने लेई आखेआ गेआ ऐ। इस स्कीम दी अखीरी तरीक 31 मार्च 2025 रक्खी गेदी ऐ।

<><><><><><>

IFFI

55में भारतीय अंतरराष्ट्रीय फिल्म महोत्सव IFFI जोरें-शोरें कन्नै जारी ऐ। कल एहदा औपचारिक तौर पर उद्घाटन समारोह होआ। अज्ज बक्ख-बक्ख शैली दियां 40 थवां मतियां फिल्मां दस्सियां जा'रदियां न। भारतीयद पनोरमा दी शुरूआत बी होई गेई ऐ। इस दौरान 25 फीचर ते 20 नान फीचर फिल्म दस्सियां जाडन। एहदे अलावा फिल्म बजार दा 18मां संस्करण इस म्हीने दी 24 तरीक तगर जारी रौहग।

<><><><><><>